

欽定大清會典事例

欽定大清會典事例卷一千一百三十

八旗都統

授官

世襲佐領

補授公中佐領

世襲佐領。○順治初年定。八旗滿洲蒙古漢軍。世襲佐領員缺。其子孫不論有官無官。及年歲未滿。均得與擬正陪。具題補授。○雍正元年奉

旨。補授世襲佐領。若有應行列名而不列名者。於家譜本名之下。註明情由。○又

諭。嗣後十六歲上朝之佐領。著委員率領指教。俟四五年後。再令其自行供職。○三年奉

旨嗣後八旗世襲佐領家譜內著將原立佐領人之子孫按其名數儘行開入如一譜不能盡書即繕兩譜具奏○又奉

旨八旗世襲佐領凡應列名之人如遇患病緣事一切情由均於本人名下註明○四年議准原管佐領世管佐領內如有年老衰庸不能辦事者引

見休致於本人子弟及近族人內遴選奏補如本族無人其佐領係祖父宣力所得不便革除者於該旗內揀選才能之人引

見兼管此等兼管之人敘功治罪與佐領同○七年

諭。凡原管佐領。雖經異姓管理數次。遇員缺。仍應於原立佐領人之子孫內。遴選補授。如本族一時不得人。再於該旗應升人內。選補。俟原管佐領人之子孫長成。仍行歸還。如此方為允協。永著為例。○十一年奉旨。嗣後家譜所載正陪人員內。有現在軍前者。均於各名下註明。○十二年覆准。八旗擬補世襲佐領。將出缺人之子孫。揀選擬正。若無子孫。於親兄弟內。揀選擬正。近族內。揀選一人擬陪。仍於有分宗支內。每支揀選一人。通行引。

見簡補。○乾隆元年

諭八旗專管佐領及佐領下人等彼此爭訟不息。是以
皇考特降

諭旨。交內閣恭查

實錄。定為原管佐領世管佐領業經傳行八旗。再此內
或別有情由其心不服者。令將緣由聲明。於雍正九
年己降

旨通行曉諭。迄今數載。鑲黃旗都統始行查奏。則別旗
仍有似此者。亦未可定。今若不覈定。則爭訟將無底
止。著總理事務王大臣查辦。如何永著為例。定擬具
奏。欽此。遵

旨議定。八旗原管佐領世管佐領。其原得佐領緣由。並佐領下人。原係何處人。編入此佐領。均覈明造冊。自佐領以下。至兵丁閒散。均開列姓氏。於本名下畫押。該旗叢總具奏。將畫押檔冊鈔錄三本。一本存本旗公署。一本存兵部。一本兵部鈐印。交該佐領收存。以備稽考。如日後再有爭告之人。即覈對原冊。將爭告之人。送部治罪。佐領襲替時。將新襲人姓名增註於冊。本旗族長亦別造一冊收存。其族長更換時。仍行交代。該旗於歲終。將各佐領族長等所存之冊點驗。若有

遺失損壞私行改竄者。本人交部治罪。仍將原

冊校對更正。○三年

諭。向來八旗補授佐領。並無家譜。由該旗大臣分別揀
選具奏補授。嗣因管旗大臣辦理不免偏執。是以定
有家譜。迨既有家譜之後。仍將不應補之人列入。其
應補之人轉致刪除。且其佐領根由。終未明悉。夫八
旗佐領根由。若不詳加定議。日後終不免於爭訟。是
以降旨令王大臣辦理。今八旗議奏家譜。其原管佐
領。或係功臣帶來所屬人丁編為佐領。或因功績茂
著。賞給人丁編為佐領。此等佐領員缺。原立佐領人

之子孫。不論曾否管過佐領。均應有分。原立佐領人之親兄弟。雖曾管過佐領。其子孫不准得分。世管佐領。或係將帶來之人編為佐領。令其承管者。或初編佐領時即經管理。後積有數輩作為世管佐領者。又有分編佐領時即令承管者。此等佐領原立佐領人之子孫。准擬正。其餘管過佐領人之子孫。酌其譜系遠近。並管理次數。有應得擬正之分。應得擬陪及擬備之分者。又原立佐領人之子孫。念分不應得之族人。係一祖所出。請一併得分。或其本支內已有佐領。將別佐領讓給無佐領之支。或每支各管一佐領。再

補授佐領內。有將出缺人之子孫擬正。原立佐領人長房之子孫擬陪。若出缺之人並無子孫。將原立佐領人長房之子孫擬正。或次房之子孫擬正。長房之子孫擬陪。至於家譜。或將有分之人開入。或不論有分無分。一併開入。將情由旁註之處。均未議及。又原立佐領內有滋生之佐領。補授時有於原立佐領黏寫黃籤。亦有於滋生佐領黏寫黃籤。辦理亦未畫一。今清理佐領根源。原期永為定例。若不詳晰。日後終不免紛爭。管旗大臣遵行亦難。著原辦理之王大臣逐一詳覈具奏。此外別簡王大臣。將所奏之佐領詳

細校閱。分別正陪備用之分。應否載入家譜。及如何黏籤之處。分析詳議。畫一辦理。並將八旗承襲世爵鈔錄家譜。一同定議具奏。欽此。遵。

旨議定。承襲原管佐領。係原立佐領人之長房子孫管
理。佐領員缺。以出缺人之子孫擬正。別房管過
佐領人之子孫擬陪。出缺之人或無嗣。或獲罪
其子孫例不應補。仍於長房之別支遴選擬正。
別房之子孫管理佐領員缺。以出缺人之子孫
擬正。長房之子孫擬陪。出缺之人或無嗣。或獲
罪。其子孫例不應補。即於長房之子孫內擇無

佐領之支。遴選擬正。其出缺之支。與其餘族人
通行遴選擬陪。並列名擬備。又原立佐領人之
子孫有

特命將佐領按支分給者。各自按支承襲。又原立佐
領人之子孫衆多。奏准每支各選一人者。員缺
按支遴選。不分正陪。一同引

見恭候

簡補。又原立佐領人之長房子孫。有願讓與次房擬
正陪承襲者。查係管過此佐領之子孫。始准讓
給。又原立佐領人之子孫無嗣。繼族人為嗣者。

其族人之子孫得與正陪之選。若繼異姓為嗣者不准。又原立佐領人無嗣。未曾繼立者。其員缺以親兄弟之子孫次及親伯叔之子孫。不論曾否得過佐領。俱得與正陪之選。伯叔祖之子孫。雖經管過佐領。不准與選。兩三佐領同在一支者。其員缺以無佐領之支擬正。出缺之支擬陪。兩姓互管一佐領者同。兩支各管一佐領者。以出缺人之子孫擬正。彼一支擬陪。兩支之族人列名。兩姓各管一佐領者同。三姓四姓互管一佐領者。出缺人之子孫擬陪。各姓通行遴選。

擬正及列名。承襲專管佐領。係原立佐領人之子孫管理佐領員缺。以出缺人之子孫擬正。管過此佐領人之子孫擬陪。族人列名備選。若係原立佐領人伯叔兄弟之子孫管理佐領員缺。仍以原立佐領人之子孫擬正。出缺人之子孫擬陪。族人列名備選。餘與原管佐領同。承襲世管佐領。原立佐領人無嗣。未曾繼立者。其員缺以親兄弟之子孫承襲。無親兄弟子孫。次及親伯叔之子孫。無親伯叔子孫。次及近族。不論曾否管過佐領者。均得擬正擬陪。若原立佐領人

無嗣。有親兄弟之子孫未獲承襲。經親伯叔之子孫承襲者。其員缺以親兄弟之子孫擬正。其親伯叔之子孫亦得與選。至伯叔祖之子孫曾伯叔祖之子孫管過此佐領者。准其擬陪。高祖以上以及遠族管過此佐領者。准其列名。均不得擬正。又原立佐領人之子孫願讓與伯叔兄弟以及遠族之人擬正陪承襲者。不論曾否管過佐領。皆准讓給。又原立佐領人之子孫因本支內已有佐領可襲。於別支佐領分雖應得。不願與選者亦聽。又一族人編成之佐領出缺人

之子孫擬正。其餘族人通行擬陪列名。餘與原管佐領同。八旗察哈爾奉天等處原管專管世管佐領員缺。均照此例辦理。○又議准。佐領獲罪。除犯十惡及軍機得罪者。雖遇

恩赦。其子孫不准承襲外。其餘情罪尚輕者。子孫仍准承襲。其不准承襲之人蒙

恩復加錄用。或從發遣處放還。及於卒者庫放出者。其子孫照常開列。又獲罪人子孫。既不准承襲。別支又無應襲之人。查係陣亡之子孫。該旗奏

請

欽定。○六年奏准。世管佐領出差逾半年者。於該佐領之本族官員內。揀選二人。引

見署理。如本族內無應署之人。於該旗內揀選一人。

引

見署理。○十七年奉

旨。世管佐領員缺。其應襲之子孫。有在拉林阿爾楚喀地方種地者。若分應擬正。照例咨取來京。引見。止係擬陪列名。可於在京分所應得之人內。選取。如再不得人。將種地人列名進呈。不必行取來京。○二十五

年奉

旨。宗室人等。若令包衣佐領兼管。年久與包衣佐領下人無異。嗣後宗室等事務如何辦理之處。著軍機大臣等會同宗人府議奏。欽此。遵

旨議定。王公包衣佐領兼管之宗室人等。酌量族之遠近人之多少。添設宗室佐領數員。令其專管。其添設之員。由宗人府在各旗現任四品以上宗室章京內遴選。帶領引

見補授。僚四品以上不得人。於五品內遴選。賞給四品頂戴。鑄給宗室佐領圖記。○二十六年覆准。外省世襲佐領缺出。由該將軍等選擬正陪咨

送來京。令該旗帶領引。

見補授其列名之人。不願來者聽。○二十八年

諭補放承襲佐領。於各省駐防人員內有應行擬正者。仍著來京引見。其餘擬陪列名者。不必令其來京。遴選在京各支派人帶領引見。○二十九年奉

旨。外省駐防將軍大臣等所管佐領。向無應否開缺定例。是以補放外任後。無子嗣者。願將佐領留於己身。有子嗣者。欲多得一官。鑽營開缺。另行承襲。此弊不可不除。嗣後補放駐防大臣及綠營官員。其所管佐領。俱著將承襲家譜一併進呈。或令人署理。或另行

補放請旨辦理。○三十年

諭。從前所辦管佐領襲官事務。應得正陪之分。每多不均。曾派王大臣查覈根由。定分辦理。但條款過多。令八旗拘執遵辦。反至煩冗。理宜酌為簡易。交軍機大臣等會同八旗大臣。將從前所定八旗管佐領襲官條款。覆行清查。定擬具奏。俟帶領該員等引見時。朕再酌量辦理。欽此。遵

旨議定。原立佐領之子孫長房管理。佐領員缺。以出缺之子孫擬正。別房管過之子孫擬陪。其餘無論曾否管過。通行遴選列名。出缺之人。或無嗣。或

獲罪子孫例不應補。仍於長房別支內擬正。別房管理佐領員缺。以出缺之子孫擬正。長房之子孫無論曾否管過。俱准擬陪。其餘通行遴選列名。出缺之人或無嗣。或獲罪。子孫例不應補。以管過之長房擬正。若未經管過。與現管佐領。以管過之別房擬正。其未經管過者。仍以出缺之別支擬正。其現管佐領者。以無佐領之長房擬正。別房出缺之房。通行遴選擬陪列名。襲官亦照此例。立官人之親子孫襲官後。又因宣勞得官。合原官承襲者。若無擬正之分。應得擬陪。

之分。又兄弟同帶來之人。編為世管佐領。若僅二三房。以出缺之子孫擬正。無佐領之房擬陪。現有佐領之房列名。若係一人之子孫管過員缺。由無佐領同帶來人之子孫內一房擬正。一房擬陪。出缺之子孫列名。若三四房僅係一佐領。以出缺之子孫擬正。其餘擬陪列名。出缺之人若無嗣。仍以本房之別支擬正。若因罪革退。子孫例不應補。本房雖有別支。不准擬正。止准擬陪。其無佐領同帶來人之親伯叔祖之子孫內有管過者。亦得擬陪。遠族管過之子孫列名。

又有各將半分佐領合為整佐領現滋生為二者。原管過半分佐領之子孫均應得分。若無嗣於親兄弟之子孫內。無論曾否管過一體得分。俱照兄弟同帶來之人編為佐領之例辦理。又立佐領之人有親子孫。而讓與親兄弟伯叔伯叔祖曾伯叔祖之子孫及遠族人互管者。若親兄弟之子孫管過員缺。以出缺之子孫擬正。立佐領之子孫擬陪。其餘立佐領與管過之子孫列名。出缺之人或無嗣。或罪廢。子孫例不應補。本房即有別支。止得擬陪。以立佐領之子孫擬

正。若立佐領之子孫管過員缺。以出缺之子孫擬正。管過此佐領之親兄弟伯叔之子孫擬陪。其餘立佐領與管過之子孫列名。出缺之人或無嗣。或罪廢子孫例不應補。仍以本房之別支擬正。若二三箇佐領。係立佐領之親子孫管過員缺。以出缺之子孫擬正。出缺房分現有承管佐領者。由無佐領房分擬正。管過此佐領之親兄弟伯叔之子孫擬陪。其餘立佐領與管過之子孫列名。若二三箇佐領。俱係立佐領之親兄弟伯叔之子孫管過員缺。以立佐領之子孫擬

正。出缺之子孫擬陪。其餘立佐領與管過之子孫列名。若立佐領之人現有親子孫而被遠族子孫管理者。其員缺。仍由立佐領之子孫與管過此佐領之親兄弟之子孫內擬正。立佐領之親伯叔祖曾伯叔祖之子孫內。有管過者擬陪。其餘立佐領與管過此佐領及現出缺之子孫列名。此等佐領。若僅存一支者。照親子孫管過佐領之例辦理。又立佐領之人絕嗣。由親兄弟以及親伯叔之子孫。無論曾否管過。一體得分。親兄弟伯叔之子孫內僅存一房者。照親子孫

管過佐領之例辦理。若係二三房。以出缺之子孫擬正。管過之子孫擬陪。其餘列名。立佐領之親兄弟伯叔有子孫而被親伯叔祖之子孫管理者。其員缺。仍以親兄弟伯叔之子孫擬正。管過之子孫擬陪列名。若立佐領之親兄弟子孫未經管過向係遠族承管者。管過之子孫亦得列名。如立佐領之人及親兄弟伯叔之子孫俱無嗣。係親伯叔祖之子孫管過者。亦將出缺之子孫擬正。無佐領之房分擬陪。餘者列名。若二三箇佐領。俱係一房管理。其員缺。由無佐領之

房分選擬正陪。出缺之房與別房及管過此佐領遠族子孫列名。立官立佐領之人絕嗣被別房承襲後。僅存一房。令其世襲罔替。又立佐領之子孫與親兄弟之子孫互管優異。世管佐領。因立佐領之人著有勞績。始為優異。除立佐領之子孫管過得分辦理外。立佐領之親兄弟管理之佐領員缺。以立佐領之子孫擬正。出缺之子孫擬陪。其餘立佐領與管過之子孫列名。若立佐領後。經親兄弟管過始為優異。嗣皆兄弟之子孫承管者。其員缺立佐領之子孫擬正。出

缺之子孫擬陪。又族人編成之世管佐領員缺。以出缺之子孫擬正。族中俱應得分。通行遴選列名。○三十三年奉

旨。無根由佐領一家承管五世以上者。例作世管佐領。嗣因獲罪革退。加恩著伊子再管一次。如果稱職。仍為世管佐領。若又因罪革退。即作為公中佐領。○又奏准。嗣後世管佐領降級調用之缺。既以他人承襲。降級人員毋庸調補。○又奉

旨。察哈爾兩翼佐領。例由兩翼輪管。若一邊承襲。與世管無異。嗣後分應擬正者。來京引見。擬陪者。毋庸前

來著為令。○三十四年覆准。八旗勳舊世管輪管佐領。補放別城協領等官。其原襲之佐領。仍留本身。暫將伊族內有分之員。揀派署理。若族內不得人。由本處官員內揀署。俟本人缺出。再照例由伊房族擇有分之一人承襲。其派出署理之員。報部旗存案。年終將協領兼管佐領之處。聲敘彙題。○三十八年奏准。凡承襲佐領之缺。有因罪革退。發往他省。嗣經續管之人缺出。而其子孫應得擬正之分者。家譜內先將伊子無罪之處。聲明。咨取。如蒙

允准。再行帶領引。

見補授後。亦應於家譜內註明。○四十一年議准。八旗新襲該旗佐領覺羅佐領等。十六歲以上將佐領事務。令人署理。在旗下印務處學習行走。至二十歲時。再行具奏。將佐領圖記移付管理。如二十歲尚不能辦事。仍令人署理。俟學習二三年。再行具奏。將佐領圖記移付管理。宗室佐領十六歲時。在宗人府宗室章京上學習行走。至二十歲後。將佐領圖記移付管理。由宗人府

帶領引

見補授。○又議准。勳舊世管佐領內。有才具平庸。不能辦事者。俱不准掌圖記。若有年幼可造之人。交印務參領約束學習。逾歲無可造就。即令當閒散差使。此項員缺。將本族能辦事之人署理。若本族不得人。於本旗給事中。監察御史部屬。參領章京內。遴選奏署。其不准掌圖記之佐領。果能奮勉學習。俟可以辦事時。該旗都統再將圖記事務移交該員之處。具奏。其委署之員。三年無過。即於佐領任內紀錄一次。○四十二年。奏准。告休人員。

賞給半俸全俸者。其所兼世職。毋庸另襲。仍留本身。
俟伊身故後。再行照例辦理。如兼世管佐領。有
辦事之責者。照例承襲。聲明緣由奏請。

欽定。○又奉

旨。八旗承襲佐領世職。有分應承襲之人在外省者。向
俱調取來京引見。後經朕降旨。有似此者。著具奏請
旨。再行調取。但此內有在駐防地方立有產業不願
來者。著交八旗都統。嗣後承襲佐領世職。具有分應
奏請調取之人。行文各該處大臣。詢問本人願來者。
即令來京引見。其不願者。毋庸咨送。著為令。○四十

三年

諭承襲佐領家譜內不得數世用一字編起將此通諭八旗各省將軍副都統遵行○又奏准東三省察哈爾等處無根由之公中佐領照在京之例管過四次以下者作為公中佐領五次以上者作為伊等族中世襲佐領遇員缺俱照世管佐領之例遴選若才具優長官職尊大者毋庸論其支派選取列名再給伊等佐領根據文憑應交部查辦編註○又奏輪管五次以上之佐領既准伊家世襲族中皆得分此等佐領即名為族

中承襲佐領員缺應擬正陪者仍照世管佐領之例遴選其餘列名人員止取才具優長官秩尊大者毋庸按其支派奉

旨輪管佐領從前因無族譜俱為公中佐領今將管過五次以上者作為族中輪管世襲佐領特因承管次數較多加恩賞給究非勳舊世管可比嗣後儻有無知之徒互相爭訟即著撤出仍作公中佐領○四十七年

諭承襲世管佐領即於在京有分人內遴選正陪請旨補放如京中果不得人始於駐防內有分應襲之人

行文咨取○又奉

旨○嗣後朕於避暑山莊駐蹕時補放世管佐領惟將正陪人員送往帶領引見列名之人毋庸送往如擬派不公自降旨傳取列名之人若列名人內有謂都統等擬派不公情願前往者聽○五十三年

諭○嗣後承襲佐領官員年至十二歲以上者俱帶領引見著為令○五十四年

諭○嗣後因騎射平常革退之佐領不必令出缺之子承襲俱令其伯叔兄弟承襲將此交八旗一體遵行○

嘉慶二年奉

旨嗣後凡承襲佐領世職等官。次日覆奏時。將擬正者。應承襲之處寫明。如放擬陪列名者。亦須註寫。不可照前但繕名單。○道光十四年奏准。世管佐領升補外任。其佐領仍留於本身。派員署理。○十九年奏准。正紅旗漢軍騎都尉兼世管佐領多隆武出缺無嗣。將擬陪之現管佐領劉定瑄擬正。由該旗帶領引。

見○咸豐十年

諭正黃旗滿洲奏世管佐領揀選承襲一摺。已革參將覺羅台斐音所兼世管佐領一缺。該旗揀選擬正之。

翰林院筆帖式普光既經緣事革職應不准其承襲所有世管佐領一缺著該旗於長房內另揀一員擬

正帶領引

見○同治四年

諭前因湖北武昌城守營參將楊光普陣亡該員長子培英失散查無下落當將楊光普所遺世管佐領及議卹應得雲騎尉世職令該員次子匪英承襲茲據鑲藍旗漢軍奏稱培英現由湖北咨送回旗其匪英承襲各職可否改歸培英承襲等語培英既係楊光普長子所有匪英承襲之世管佐領兼一雲騎尉世

職均著改歸培英承襲。○五年奏定。世管佐領出缺無嗣。將長房之長子管過佐領之子孫揀選擬

正請

旨。○十二年奏准。承管佐領罪止革職。揀選其子擬

正帶領引

見。○光緒七年奏准。雲騎尉兼族中襲替佐領出缺。並無應襲之人。所遺族中襲替佐領。作為公中佐領。揀員補放。○十二年奏准。原管佐領尚宗權所出之缺。係康熙二十二年。

恩賞平南親王尚可喜之子和碩額駙尚之隆五箇佐

領中尚之隆親子孫分管二佐領內之一。尚宗權之長子尚昌鳳係屬庶出。例不應揀將尚宗權之嫡次子尚昌安承襲。

補授公中佐領。○順治初年定八旗滿洲蒙古漢軍公中佐領員缺。以公侯伯大學士尚書都統以下護軍校驍騎校以上官擬定正陪。具題補授。○雍正元年議准八旗察哈爾世管佐領下滋生人丁編為公中佐領者。遇員缺以該佐領應升之官並滋生此佐領之原佐領下應升各官通行選補。又巴爾呼公中佐領員缺於該

佐領應升官內選補。出缺之人有軍功者。其子孫得與選。○四年奉

旨。公中佐領員缺。與原管世管佐領不同。護軍校驍騎校乃六品微員。選補佐領。未免踰越。嗣後以該旗大員引見補授。○又奏准。奉天府屬公中佐領員缺。以應升之人擬正。其原管佐領人在任實能稱職。其子又曾效力者。准以一人擬陪。如無合例之人。止將應升之人保送。再於在京該旗選一人擬陪。○又覆准。佐領不得兼散騎郎。○八年覆准。諸王屬下公中佐領員缺。先儘該王屬下品

級相當之官擬補。如不得人。即於該旗大臣官員內選補。○十一年奉

旨。公中佐領員缺。如將大臣補授。則職任事繁。無暇盡心辦理。佐領事務。仍在應升官內選補。庶幾有益。如不得人。再將大臣引見。○又奏准。佐領不得兼任步

軍尉。○十二年奉

旨。佐領職任甚屬緊要。向因大臣兼管。或致本旗大臣瞻徇掣肘。是以降旨。令於世爵或對品。或應升官內選補。並無永不令大臣兼管之旨。今該旗既不得應補之人。即應奏明。仍著大臣兼管。何得將驍騎校等

越次擬補不但品級相懸且無超羣軼衆之材又無
出兵效力之處何所見而如此辦理甚屬錯誤著再
行辦理具奏並將此旨傳諭八旗知之○乾隆元年
奉

旨公中佐領員缺有經一姓管理數輩者遇員缺將其
子孫揀選與應升各官一同引見○六年奏准公中
佐領員缺以本旗不兼佐領之三品以下五品
以上文武官及世爵遴選四五人引

見補授○又奏准公中佐領出差有逾半年者於該
旗應授佐領之人及各處咨送人員內揀選如

不得人於現任佐領內揀選引

見署理○十五年奉

旨。從前公中佐領員缺。將大臣一同引見。雍正年間。因皇考曾降諭旨。大臣職務繁多。無暇辦理佐領之事。仍令揀選官員補授。庶於事務有益。如不得人。再將大臣引見。從此即不將大臣引見。此皆未明所降

諭旨之意。大臣無暇辦理佐領之事者。特指職務繁多之大臣而言。非凡為大臣皆不得補授佐領也。且佐領之職。管束教訓一佐領之人。與其令職官兼管。不如令大臣兼管。更屬有益。雖職務繁多之大臣無暇

兼管。其事簡之大臣兼管佐領。何不可之有。若以身為大臣。不便兼管佐領。何以原管世管佐領。又有兼管者。嗣後八旗公中佐領員缺。各該旗將事簡未兼部務之大臣。簡選引見。如不得人。再將應升官引見。

○二十四年奏准。滿洲蒙古漢軍新營房章京。有補放公中佐領者。即移咨該旗。將該員即行開缺另放。○又奉

旨。世管佐領因罪革退。暫作公中佐領者。員缺以初得佐領人親兄弟之子。嗣畫譜進呈。○二十五年奉

旨。無根由佐領。雖應作為公中佐領。但伊家管理多年。

著施恩遴選伊族中一人。與旗員一同帶領引見補放。若有不肖之徒。妄行爭訟。即作為公中佐領。永無承管之分。○二十六年奉

旨。輪管佐領內。如有管過五次者。缺出時。無論伊族有無職銜。遴選幾名。與旗下應放人員。一併帶領引見。其未過五次者。俱作為公中佐領。伊族中如有主事。驍騎校六品以上官員。一併揀選帶領引見。如無六品以上者。止揀旗員補放。再有缺出。伊族中如有六品以上官員。不必拘泥前次未經列名。仍一併揀選帶領引見補放。將此交八旗遵照辦理。著為令。○二

十七年議准。無根由佐領。雖非世管佐領可比。然竟作為公中佐領。亦屬不均。其員缺。無論出缺之子。及族中之人。遴選一二人。與應升旗員。一併帶領引。

見補授。○三十年奏准。公中佐領內。如出差在半年內者。仍照定例署理。如出差逾半年外者。即行出缺。揀選應放之人。帶領引。

見補授。○三十二年奉

旨。滿洲蒙古無根由公中佐領。有原從伊家帶來而又承管數代者。缺出時。於襲過人員子孫內遴選。即品

級尚卑。亦將伊等前列。帶領引見補放。其有並非編立佐領之人。初次襲過。後因無子。經別房承管數世。又因絕嗣。仍歸原放之子孫承管者。竟作為公中佐領。將應放人員。照例遴選帶領引見補放。○三十四

年奉

旨。無根由公中佐領員缺。由應升官員內揀選。一併咨送。不得僅將原放佐領之子孫保送。○四十三年

諭。黑龍江等處編設佐領。有並非伊家自立。而連管數次。嗣經別姓之人補放者。員缺不得照世襲佐領之例。將原放之子孫擬正。即照公中佐領例遴選補放。

將此由該部通行八旗及東三省。嗣後此等佐領缺出。俱著照此辦理。○又奉

旨大臣等有罰俸降級事故者多。若一概行查。未免不能得人。嗣後公中佐領缺出。遴選時毋庸行查。三品以下照例行查。○四十五年

諭。向來給事中御史部院衙門郎中員外。兼旗下參領佐領。而公中佐領之缺。令文武大臣兼轄者尤多。嗣後旗員兼文職者。不必出缺。著八旗一體遵行。○四

十七年奉

旨。公中佐領。雖係理事之職。然缺出時。可派人暫署。嗣

後朕駐蹕熱河。遇有公中佐領員缺。俟朕回京後帶領引見補放。○四十八年奉

旨。向例八旗公中佐領員缺。因准文職大臣兼管。是以尚書亦嘗派放。但尚書職任甚繁。無暇管理。殊屬無益。著交八旗嗣後除本家應襲佐領仍照例辦理外。至補放公中佐領。不必擬及尚書。但由侍郎以下帶領引見補放。○五十四年奉

旨。管理滋生佐領之人絕嗣。而別支亦無後者。不准管理原佐領之子孫承襲。即為公中佐領。○嘉慶二年

奉

旨世管佐領員缺。若無子嗣。並家譜內亦無應襲之人。改為公中佐領。由本翼內應升官員分別揀選。帶領引見補放。○四年奏准。公中佐領員缺。於八旗印務章京內通行遴選。帶領引

見補授。○二十三年奏准。印務章京兼公中佐領。有辦事二十餘年。並無過失。年老告退者。仍留公中佐領。○咸豐二年奏准。騎都尉兼族襲佐領明善無嗣。將騎都尉

誥敕。並所管族襲佐領圖記繳銷。以族襲佐領作為公中佐領。於旗員內揀選。帶領引

見補放。○同治二年奏准。緣事革爵所屬公中佐領

缺出。由本旗揀員請

旨補放。

欽定大清會典事例卷一千一百三十一

八旗都統

授官

補授驍騎校
官補授駐防

協領

補授守護

補授駐防參領

陵寢

補授驍騎校○順治初年定滿洲蒙古驍騎校員缺以六品七品八品官前鋒護軍領催馬甲選補漢軍驍騎校以六品七品八品官領催馬甲選補○康熙二十五年奉

旨承襲雲騎尉之驍騎校仍留驍騎校任遇應升時照雲騎尉品級升用○雍正三年奉

旨凡驍騎校員缺定例於本佐領下選補嗣後如遇本

佐領下無可補之人。著請旨於該旗揀選引見補授。

○五年奉

旨。補授護軍校驍騎校列名人員。儻於引見時有患病者。不妨少待。若為日既久。即將其名繕寫綠頭牌。入於引見人內。聲明情由具奏。○又

諭。凡奉旨記名補用驍騎校人等。不應於別佐領下之缺擬正。嗣後驍騎校缺出。其本佐領下有應補之人。即行開列。若本佐領下無人。或因本佐領之驍騎校不能辦事革退之缺。再將記名之人引見。○六年奉旨。八旗補授護軍校驍騎校時。於本佐領下揀選前鋒

護軍執事人等十人照常擬定一正一陪引見其餘八人在外備用。若所擬正陪內無可用者即引見擬備之八人。如本佐領下不得可用之人於該旗揀選補授者仍照常擬二人引見。○乾隆四年覆准漢軍驍騎校員缺由該旗於本佐領下領催內揀選正陪二人引

見補授如領催內不得人將該佐領下出征效力年久之馬甲與領催等一同揀選三四人引

見補授。○十八年議准八旗驍騎校員缺擬定正陪二人引

見其在外擬備之八人皆行停止。○二十六年覆准新襲佐領如年少不諳事。驍騎校又才具平庸者。將別佐領下幹練之員對調。令其協理事務。出缺時仍各按本佐領下之缺補放。○二十七年奏准軍營效力人員補授在京八旗驍騎校。該都統於該佐領下遴選前鋒護軍領催奏署。俟原官升調後。委署之員行走勤慎。即行引

見坐補。若原官撤回軍營。即將該員仍註旗冊。令回原處當差。遇應升之缺。准其列名。○三十二年奉

旨滿洲千總年滿保送後留京當差者。遇驍騎校護軍
校員缺該旗與應升人員一併帶領引見。○三十五
年奏准八旗嚮導處筆帖式二員行走六年。再
考驗馬步射即行帶領引

見以驍騎校坐補。○三十七年奏准嗣後善撲營教
習等俱戴虛銜金頂。即出伊等所用藍翎長缺。
於本翼善撲內挑取。若行走三年。始終奮勉。咨
行該旗營。遇有應升驍騎校缺。出一體挑選。○
四十一年奏准滿洲蒙古驍騎校員缺。以本佐
領下健銳火器等營升用二員。年久諳練之領

催升用一員。儻遇應升缺出。營弁領催不得其人。即將奏留以驍騎校用之。印務筆帖式補用。○四十七年奏准驍騎校員缺。除行查健銳營滿洲火器營。將應升人員照例遴選外。所有前鋒親軍護軍領催俱行文咨取。由該營出具考語。保送到時。通行遴選。○五十四年奏准八旗印房外郎。五年期滿。咨行該旗。坐補驍騎校。○五十九年奏准黏竿處拜唐阿保舉優者。遇有滿洲蒙古漢軍驍騎校缺。俱五缺一。

補授守護

陵寢官○順治年間定總管員缺以

陵寢翼領驍騎營參領並男以下世爵開列十人題補翼領員缺按翼於二等侍衛護軍驍騎營副參領佐領內遴選數人由兵部引

見補授防禦員缺由該總管等將防禦之子弟及在陵之禮部贊禮郎內擇其勝任者保送引

見補授如不得人即令在京該旗於前鋒校親軍校護軍校驍騎校及七八品官內遴選題補○雍正五年覆准防禦員缺其子弟內如無咨送之人於在

陵寢之贊禮郎內擇其人。去得堪膺武職能管束者保送。如無應送之人。仍行文兵部。交該旗以應升

人員引

見補授。○乾隆二年覆准。

陵寢每處。按翼增設驍騎校一人。於該翼兵丁內。選正陪送部。交旗引。

見補授。如本旗防禦員缺。遇不應保送防禦子弟者。即於驍騎校內揀選保送。該旗將本旗應升之員擬陪引。

見補授。○五年奏准。

陵寢防禦員缺。如原官果係累世守護已逾五十年者。准其選子弟一人保送。如無合例之人。不准保送。○七年議准。

陵寢總管員缺。於一等侍衛前鋒護軍驍騎營參領內。選數人引。

見其本處翼領列名請。

旨。護軍驍騎營副參領與前鋒侍衛品級相同。亦准遴選引。

見補授翼領。○九年議准。翼領員缺。以記名應升翼領人員。按翼開列十人引。

見所開十人內以卓異及辦事前鋒侍衛護軍副參領印房副參領二等侍衛佐領兼印房行走各官列於前前鋒侍衛各官列於後○十年奏准翼領員缺將本處防禦一人送部引

見○十四年奉

旨

孝陵總管員缺翼領等皆係應升之人且路不甚遠著調取來京與應引見之人一同引見著為令欽此遵旨議定

東陵

西陵均離京不遠。總管員缺。將本處翼領調取來京一

同引

見至

盛京

三陵距京遙遠不便調取。仍照舊例行。○十八年議准
陵寢總管翼領員缺。將本處送部之人引

見補授。如本處無合例之人。准於在京侍衛及八旗
應升人員內揀選二三人引

見補授。餘仍照前例行。○二十年奉

旨

陵寢總管翼領。因係八旗公中升補。向由兵部引見。嗣後改歸八旗直年都統等引見。○三十二年覆准。

陵寢三十六員防禦內有八十年以上者。出缺後仍照舊例。令伊等子孫承襲。其未及八十年者。皆作為公缺。嗣後缺出。如果子孫內官職相同。人品可用。即行揀選保送。由該旗再選擬陪之人。帶領引。

見補授。如官職人品不及者。照例於應升人內揀選保送。由該旗再選擬陪之人。帶領引。

見補授。○三十五年覆准。

陵寢防禦缺此驍騎校內。如有年久歷練者。仍與贊禮郎一併遴選補放。其有由贊禮郎遴選保題防禦者。該管大臣遴選行走十五年以上善清語能約束者保送。如無應選之員。即咨行

京師本旗於出兵效力之驍騎校護軍校等員內分別揀選帶領引

見補授。○又奏准

陵寢贊禮郎不論出身一體支給七品俸祿。用六品虛銜頂戴。其由護軍校驍騎校補授作為六品之例。即行裁止。○三十九年奉

旨嗣後各

陵寢總管缺出仍照舊例於在京應升人員遴選帶領引見補授。○又議准

三陵公中防禦員缺以

盛京宗學總管副管與該處驍騎校通行揀補翼長員缺以兼佐領之宗學總管與該處旗下章京通行揀補。○四十七年覆准

西陵防禦員缺先將驍騎校及行走過十五年之贊禮郎內不論旗分通行遴選儻驍騎校內一時不得其人贊禮郎內亦無行走過十五年者該管

大臣據實聲明再於行走過十年之贊禮郎內
遴選正陪送部轉咨該旗帶領引

見補授。○五十六年覆准

三陵翼長員缺於滿洲驍騎校補放之防禦並世襲防
禦宗學覺羅總管頭等侍衛內無論旗翼概行
遴選如仍不得人於

盛京八旗滿洲驍騎校補放之防禦或佐領遴選
保送補授。○嘉慶四年奏准

陵寢各員奉差入京時文職則咨行吏部及該旗武職
則咨行兵部及該旗均按本處咨定限內催令

回任。儻有患病及辦理喪事。交該都統詳查果實。出具保結展假。報部存案查覈。如有任意託故。一經查出。即指名叅奏。該都統等若瞻徇情面。代為告假展限。一併交部議處。至各員或有患病喪事等情告假者。除交

陵寢辦事王大臣等詳查確實。仍行給假外。其託故給假之處。永行禁止。如違。一經該部該都統等查出。即行叅奏治罪。○六年

諭嗣後守護

陵寢之貝勒貝子公等。著宗人府每屆三年。具奏一次。

呈遞在京之貝勒貝子公等名籤。候朕酌量更換。其
在京之王等。毋庸具奏。有應更換者。朕隨時酌換。至
現在守護

裕陵大臣內年老有病者。俱著回旗。其有世職者。仍照
原職當差。其無世職者。著原品休致。○道光八年

諭嗣後

東陵

西陵總管缺出。著該管大臣等。於本處翼長內秉公揀
選一員送京。與京旗應升人員一體帶領引見。如翼
長中不得其人。毋許濫竽充數。○光緒五年奏准

盛京

三陵公缺翼長六缺為一輪。先用宗室一人。次用旗員五人。防禦七缺為一輪。先用宗室一人。次用旗員六人。周而復始。挨班輪用。防禦缺出。由舊居移居宗室正副族長副管長正副學長委學長內揀選。翼長缺出。由宗室防禦正管長內揀選。並將

三陵衙門舊設協領一缺。向以各旗協領兼充者。今作為宗室專缺。以翼長升用。與旗員一體歸入軍政考覈。定為六年俸滿。至補放協領。翼長防禦。

仍照例由直年旗及各該旗帶領引

見毋庸咨送宗人府帶領

補授駐防協領○順治初年定協領員缺於步軍協尉輕車都尉騎都尉雲騎尉內選擬正陪題補○康熙二十七年奉

旨嗣後駐防協領員缺停止該將軍坐名擬補著兵部選取外省應升之人交旗同在京應補人員引見補授○三十七年議准黑龍江等處協領以下驍騎校以上各員缺均於在京八旗人員內遴選幹練之人補授○雍正元年議准協領員缺由該將

軍都統副都統等。於參領佐領內遴選一人擬
正送部。交與該旗都統將本旗應升之人一同
引

見補授。○十年覆准協領員缺。令該將軍都統等於
本翼內遴選應升之人送部。○乾隆六年奏准
滿洲蒙古協領員缺。由該將軍等於本翼佐領
內選一人擬正送部交旗。該旗都統等於本旗
前鋒侍衛護軍驍騎營副參領二等侍衛輕車
都尉佐領步軍協尉信礮總管內選一人擬陪

引

見補授。漢軍協領員缺。由該將軍等於本翼參領佐領內選一人擬正。送部交旗。該旗都統等於本旗副參領輕車都尉佐領步軍協尉內選一人

擬陪引

見補授。○七年奏准山海關協領員缺。以本處佐領及永平府順義三河玉田三縣喜峯口冷口防守尉內揀選。該副都統按旗按翼分別滿洲蒙古將合例之人擬正。送京。該旗照例選一人擬陪引。

見補授。如該處無可保送之人。即於在京人員內選

擬正陪引

見○二十一年奏准各省協領員缺止將該省保題
之人引

見在京都統不必揀選擬陪○二十四年議准

京師及各省駐防官員游牧察哈爾人等因在軍
營補放協領以下護軍校驍騎校以上等官師
旋仍俱咨送京中由各該旗帶領引

見○二十五年議准嗣後各省駐防漢軍協領員缺
先於本翼擇人薦舉儘不得人仍照例移咨兵
部轉行出缺之旗將該旗應放之人帶領引

見補授○又奉

旨嗣後正黃正紅兩旗會放協領之時止揀選一人擬
正○三十一年覆准涼州莊浪協領員缺照例於本
翼應升佐領內遴選如本翼不得人即據實聲
明於八旗佐領內通行遴選保舉補放後仍帶
管佐領事務儻隔翼兼管者俟本翼佐領缺出
即行調補仍於年終奏

聞○三十二年覆准由天津移紮涼州兵丁滿洲八
旗分左右兩翼設協領四員蒙古八旗設協領
一員協領准各兼佐領給予兼管關防○三十

三年議准。右衛應裁協領五員。俟綏遠城人員
缺出。酌量坐補。咨報部旗。毋庸引。

見。○三十九年覆准。甯夏滿洲協領員缺。亦照蒙古
協領之例。不必按翼。由八旗佐領內。揀選保舉
補授。○四十三年奉

旨。朕看各省題補佐領等官。惟以一人送京引見。並無
擬陪人員。察哈爾補放佐領等官。正陪人員俱送京
引見。殊不一律。而防禦以上。皆係大員。一缺惟送一
人引見。殊未允協。理宜更定。著交兵部咨行各省將
軍都統等。嗣後補放協領佐領防禦。俱著選擬正陪

人員送京引見。朕如放擬正者。其擬陪者。記名不記名。臨時再降諭旨。至伊犁烏魯木齊等處。俱係邊遠。補放此等官員。仍照舊例辦理。○又

諭各省協領六年期滿。送京引見。其中果有賢能之員。朕即施恩簡用。若年老有疾。才力不及。亦斷難稍事姑容。今伊犁地方雖遠。然協領等係屬大員。若竟不咨送引見。賢能者既不得邀恩。而衰老者亦得苟且存留。於公事殊無裨益。况該員等往返俱係馳驛。又毫無糜費。嗣後伊犁協領等。初次六年期滿者。毋庸咨送。二次六年期滿。著該將軍出具考語。送京引見。

著為令。○又奉

旨。凡協領兼管佐領者。務須閒配旗翼調管。不得兼管本旗佐領。永著為令。○又奉

旨。昨經降旨。令各省補放協領佐領防禦。俱著擬定正陪人員。送京引見。如補放擬正者。其擬陪者。記名不記名之處。臨時再降諭旨。現在既屬照例辦理。嗣後於此等擬陪人員。記名不記名之處。該旗帶領引見時。即照外省補放驍騎校之例。摺內聲明。請旨具奏。○又奏准。坐補協領記名人員。該管大臣於坐補時。驗其無年力衰邁品行改變等情。再行專

摺奏補。○四十四年奏准吉林等處協領缺出如本翼得人仍由本翼揀選補放如不得人無論旗翼統歸八旗揀選補放。○四十五年覆准綏遠城右衛協領以下員缺仍由該二處本翼官員內通行遴選補放。○四十六年議准西安佐領內兼協領者四員每員管理二旗事務再添設協領四員各管一旗每員仍兼一佐領。詳見駐防佐領。○四十七年覆准密雲縣滿洲蒙古協領員缺各於本翼四旗佐領內選擬正陪咨送該旗帶領引

見補授。○五十一年奏准各省協領員缺將從前擬

陪引

見記名之人奏請坐補。○五十五年覆准嗣後山海關駐防滿洲協領缺出本旗若不得人各按本翼遴選保送若蒙古人員缺少本翼仍難得人於八旗蒙古人員內遴選保送。○五十六年覆准

陵寢世襲防禦及由駙騎校補放之防禦佐領升授翼長後如協領缺出概行遴選保送補放。○五十八年議准杭州駐防滿洲協領缺出先由本翼

八佐領內揀選升用。若無可保薦之人，則奏明由兩翼官員內合併揀選保送。○五十九年議准古北口、昌平州、三河、玉田、順義縣五處四品協領缺出，由五處防禦內揀選密雲縣三品協領缺出，即將四品協領按翼與應升之佐領等一體合選補放。四品協領內若不得人，仍咨取在京出缺旗分人員，由該旗揀選帶領引。

見補授。○嘉慶三年議准寶坻縣等七處協領員缺，由保定、滄州等九處防禦內擇其管轄嚴肅熟於事體者擬定正陪，咨送該旗帶領引。

見補授。如不得人，仍咨在京該旗遴選，奏請補放。○
四年覆准駐防協領以下至驍騎校等官內有
實在出色人員，該將軍副都統城守尉秉公保
舉，將該員平日操演弓馬及曾否出兵，出具切
實考語，咨送兵部考驗帶領引。

見記名後，仍回原處遇缺營應用。缺出與在京八旗
人員一體升用。○六年奏准山海關永平府喜
峯口冷口羅文峪等處協領員缺，不論滿洲蒙
古翼旗合選保舉。○七年議定寶坻等九處分
左右翼，遇該翼協領缺出，不論旗分，各於本處

防禦內合選將擬正之人咨送該旗帶領引

見補授。防禦缺出亦照此辦理。○道光十六年

諭前因桓格奏乍浦協領缺出請不論滿洲蒙古通行
揀選當降旨交兵部議奏本日據該部奏請嗣後乍
浦蒙古協領佐領缺出如蒙古官員內足數揀選仍
照舊章辦理若一時揀選乏人准於滿洲官員內通
行揀選隨時奏明辦理等語乍浦駐防原設蒙古協
領一員佐領三員防禦二員協領缺出即由佐領三
員內揀選佐領缺出由防禦二員內揀選該員等各
有管轄操演之責必須慎選人材方於營伍有裨其

應行揀選人員。臨時偶然患病。尚屬事之所有。若久病不痊。及弓馬軟弱者。早應隨時甄覈。何得任聽衰庸戀棧。以致缺出時不敷揀選。嗣後蒙古官員。遞有病呈。著該將軍隨時咨明部旗。遇有蒙古缺出。先儘蒙古人員揀選。儻有必須滿洲人員通行揀選之處。即將因何不敷揀選緣由。聲明覈實辦理。

補授駐防參領。○順治年間定。駐防參領員缺。於步軍協尉。輕車都尉。佐領騎都尉內。選擬正陪題補。○雍正元年。議准。駐防參領員缺。由該將軍等於本翼內。選防禦一人。擬正。送部交旗。

該旗都統等於本旗輕車都尉佐領步軍協尉
騎都尉內選一人擬陪引

見補授

此缺自乾隆
年間停補

